

03.03.2020թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 408995/01

ՎԱՐՉԱԿԱՆ ԻՐԱՎԱԽԱՒՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով 03.03.2020 թվականի թիվ 2418 վարչական իրավախախտման վերաբերյալ արձանագրությունը, քննելով թիվ — վարույթը և կից նյութերը,

ՊԱՐԶԵՑԻ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԱԱ ՀԻՄՆԱՐԱՐ ԳԻՏԱԿԱՆ ԳՐԱԴԱՐԱՆ» ՊՈԱԿ տնօրեն Նունե Շահումյանը (ՀՎՀՀ՝ 00009631, ք. Երևան Բաղրամյան 24դ) ՀՀ Կառավարության 28.06.2018թ-ի 737-Ն որոշման 8-րդ կետով սահմանված ժամկետում չի ներկայացրել **2019 թվականի դեկտեմբեր ամսին ՀՀ պետական սահմանով տեղափոխված ապրանքների վերաբերյալ վիճակագրական ձևը**: Նկարագրված արարքի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169²-րդ հոդվածով:

Կողմը պատշաճ ծանուցված լինելով ներկայացրել է դիմում առ այն, որ ՊՈԱԿ-ի կողմից ներմուծվել են գրքեր, որոնք առաքվել և ստացվել են փոստային ծառայության միջոցով: Ծանուցագիրն ստանալուն պես հայտնի է դարձել, որ մաքսային ծառայության գործընթացներում կարգ է փոխվել և համաձայն դրա կազմակերպությունը ԵՏՄ երկրներից գրականություն ստանալուն պես պարտավոր է ներկայացնել ներմուծման հարկային հայտարարագրերը և տեղափոխված ապրանքների վիճակագրական ձևերը: Հայտնել է, որ ուշացումով ներկայացվել է և հարկային հայտարարագրերը և վիճակագրական ձևերը:

Վարույթի շրջանակներում հայտնի է դարձել, որ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԱԱ ՀԻՄՆԱՐԱՐ ԳԻՏԱԿԱՆ ԳՐԱԴԱՐԱՆ» ՊՈԱԿ-ի կողմից 2019 թվականի դեկտեմբեր ամսին կատարվել է 1 (մեկ) գործարք, որի վերաբերյալ Նունե Շահումյանի կողմից 03.03.2020 թվականի դրությամբ ներկայացվել է ներմուծված ապրանքի վերաբերյալ վիճակագրական ձևը:

Այն փաստը, որ Նունե Շահումյանի կողմից վերջին մեկ տարվա ընթացքում նման իրավախախտում չի կատարվել, ուստի կատարված իրավախախտման համար պատասխանատվություն է նախատեսվում Վարչական իրավախախտումների վերաբերյալ ՀՀ օրենսգրքի 169²-րդ հոդվածի 1-ին մասով, համաձայն որի իրավախախտման համար նախատեսվում է նախազգուշացում կամ տուգանքի նշանակում՝ սահմանված նվազագույն աշխատավարձի քսանապատիկի չափով:

Վարչական իրավախախտումների վերաբերյալ ՀՀ օրենսգրքի 32-րդ հոդվածի համաձայն տույժ նշանակելիս հաշվի են առնվում կատարված իրավախախտման բնույթը, խախտողի անձը, նրա մեղքի աստիճանը, գույքային դրությունը, պատասխանատվությունը մեղմացնող և ծանրացնող հանգամանքները:

Հաշվի առնելով վերոնշյալ հանգամանքները վարչական մարմինը վարչական տույժ նշանակելիս ապահովում է համաչափություն կատարված արարքի և նշանակվող տուգանքի չափի միջև, ուստի հաշվի առնելով այն հանգամանքը, որ վերջինիս կողմից թույլ տրված իրավախախտումը ունի նվազ նշանակություն և թույլ է տրվել առաջին անգամ, և ղեկավարվելով Վարչական իրավախախտումների վերաբերյալ ՀՀ օրենսգրքի 169² հոդվածի 1-ին մասով, 32-րդ հոդվածի 2-րդ մասով, 234 հոդվածով, 282 հոդվածի 1-ին մասի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169² հոդվածի 1-ին մասով, Նունե Շահումյանի նկատմամբ կիրառել վարչական տույժ՝ նախազգուշացում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ